



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Leges Ecclesiasticæ Sodalitatis Mogvntiæ, Svb Avgvstissimi Sacramenti,
ac Deiparæ Virginis Patrocinio hisce tribus libris explicatæ.

urn:nbn:de:hbz:466:1-42349



**LEGES ECCLESIASTI-
CÆ SODALITATIS MOGVN-
TIÆ, SVB AVGVSTISSIMI SACRA-
menti, ac Deiparæ Virginis Patrocinio hisce
tribus libris explicate.**

I.

PRINCEPS Ecclesiasticæ Sodalitatis finis
est, vnius Dei Opt. Max. honor & gloria. Al-
ter, ipsorum D. Clericorum integritas & per-
fectio. Postremus, ex eorum virtute populi
ædificatio. lib. I. cap. 1. ad cap. 18.

II.

Eiusdem Congregationis primarius Patronus est
Christus Jesus, Dei Virginisque filius, in Eucharistia
existens. Habet etiam, colitque Patronam Dei paren-
tem, quam vt quotidiana Corona siue Rosario hono-
rarent, optabile, & salutiferum esset. Conuenit præ-
terea vt præcipuo honore, cultu & imitatione illos
Sanctos prosequantur, qui vel sunt patriæ tutelares
& patroni, vel in quorum Ecclesiis beneficia possi-
dent, ac comprimis Angelos custodes venerentur.
lib. I. cap. 18. ad 24.

III.

A Deo bonorum autore diei exordium capiant, et
se pijs precibus commendent, diem vt sanctè tradu-
cant, animo decernant & constituent, & si commo-
dum fuerit, aliquod tempus Contemplationi vel præ-
lectioni impendant. lib. I. cap. 24. ad 26.

IV.

IV.

Ad templum progressuri mentem cogitationesque suas à mundi negotiis abalienatas in Deum conferant, atque in templo propter diuini Numinis, Christi Saluatoris in V. Sacramento, Angelicorum pariter, atque humanorum Spirituum Deo fruentium, sacramentorum reliquiarum & imaginum presentiam, locique ipsius sanctitatem, pie reuerenterque perpetuo verentur. *cap. 26. ad 45.*

V.

Sed & quocunque alio in loco Deum presentem intueantur, suspiciant, venerentur, & in eum crebris piisque desideriis, ac raptim iaculatis precibus, animum sustollant. *cap. 45.*

VI.

Quotidiè canonicas horas integre, intelligenter, attentè, grauiter & pie vel cantent, vel legant, & similiter singulis diebus tremendo Missæ sacrificio inter sint. *cap. 50. ad 98.*

VII.

Qui Sacerdotes sunt, identidem sacram faciant, qui verò Sacerdotio initiati non sunt, frequenter diuinam Synaxin percipiant, præsertim diebus Liberatori nostro Christo Domino, eiusque sanctissimæ matri festis ac sacratis; sed non nisi pura à scelere conscientia id faciant, ad quod plurimum iuuabit exomologesis, & probi prudentisque confessarii industria. *cap. 98. ad 109.*

VIII.

Diaconi vel Subdiaconi munus, aut etiam Sacramenta administraturi, confessione mortiferum peccatum, si forte in illud inciderint, expient, aut si confitendi copia non fuerit, minimum contritione animum perpurgent. *cap. 119. ad 123.*

FFF

IX. Dili-

IX.

Diligent decorem domus Dei, ut quæ templis, & sacrificiis applicantur, munda sint & nitida. In primis vero tremenda Missæ mysteria, cæteraque diuini cultus officia insigni cum pietate, puritate & abfificatione peragere studeant, *cap. 46. ad 50.*

X.

Dominicos festosque dies singulari religione peragant, remota omni impeditio, hunc enim in honorem à Deo, & Dei instinctu ab Ecclesia instituti sunt, *cap. 126. ad 129.*

XI.

Quod à diuinis officiis, & necessariis occupationibus tempus vacuum habuerint, libenter Sacre Scripturæ, SS. Patrum, Conciliorum, Canonum, prætorumque librorum lectioni tribuant, *cap. 123. ad 127.*

XII.

Cubitus ituri, facta conscientie disquisitione, & excitato de admissis peccatis dolore, ac concepto futuriore vitæ proposito, Deum pro bene beateque transigenda nocte, deprecantur, *cap. 129.*

XIII.

Non sint palam criminosi, neque clam scelera, sed ab iis vitiis se cohibeant, quæ locum dant suspensioni, & Ecclesiasticæ dignitati labem ac maculam aspersunt. Quæ autem peccata Ecclesiasticis viris potissimum vitanda sint, designat Apostolus 1. Tim. 3. & Tit. 1. Sunt autem ista. Superbia, & honorum contentio, auaritia & turpis lucri cupiditas, ebrietas & intemperantia, luxuria & obscena voluptatis appetentia, malevolentia, atque iracundia, iurgium, & violentæ manus iniectio, familiæ & domesticorum iniuria, Ecclesiæ Dei neglectio, simulatio & fraudatio, proprii muneris inscientia. Quæ scelera ut abhorreant, &c.

& omni studio fugiant ab ipsis exigere Apostolum non mirentur Clerici, cum similia à laicis 1. Cor. 6. v. 9. 10. Gal. 5. v. 19. ad 22. Ephes. 5. v. 3. ad 6. Colos. 3. v. 5. 8. iure postulet idem S. Paulus, ut quæ peccata hominem Cælorum aditu prohibeant, & ad inferorum supplicia præcipitent, *Libro 2. toto.*

XIV.

Dent operam ut passim bene audiant, & sint in omni loco Christi bonus odor omnibus ad vitam, & sic præclarum rumorem ad Dei honorem, proximique in virtute profectum colligant: quod fiet, si commemoratis paulò antè ab Apostolo flagitiis oppositas contrariasque sectentur & amplexentur virtutes, quas ille iisdem Ecclesiasticis Timotheica & Titiana commendat Epistolis, nimirum Dei proximique caritatem, Pietatem, & circa diuinum cultum syncerum affectum & studium, animi submissionem ac modestiam, hospitalitatem, ac in egenos beneficentiam, temperantiam, & cibi potusque moderationem, castimoniam & mentis corporisque integritatem, mansuetudinem, animi placabilitatem, ac morum suauitatem, prudentiam, vigilantiam, industriam, in habitu, motu, incessu corporis, ac sermone decentiam & honestatem, sedulam Ecclesiæ curam, ac familiæ ipsiusque commissorum disciplinam, symceritatem & candorem, ad alios informandum habilitatem, & probam minimum, quæ officii eorum sunt, intelligentiam, inculpata ac pia vitæ testimonium, ac laudabilem famam. Quæ pleraque & à secularibus requirit Apostolus Rom. 12. v. 9. vsque ad capitis finem. Gal. 5. v. 29. ad Ephes. 5. v. 8. 9. Colos. 3. v. 12. 13. 14. & meritißimè requirit. Sine his siquidem nemo hereditatem habebit in regno Christi & Dei, *Libro 3. integro.*

XV.

Vbi commodam de proximo bene merendi, eumque à vitiis ad virtutem pertrahendi opportunitatem nacti fuerint, avidissime hanc amplectantur maxime circa inquilinos & subditos *Lib. 3. c. 42.*

XVI.

Sodalitatem designatus Praeses, cum duobus affectoribus Consiliariis, ac Secretario administrabit, eorumque consilio bonum publicum apprime promovebit, auxiliante de Sociate Iesu presbytero.

XVII.

Hic Magistratus initio cuiusque anni per occulta suffragia scripto data, quæ silentii fide à Secretario & duobus in Sodalitate officiâ obeuntibus, cum Patre inspiciuntur & publicabuntur. Poterit & Magistratus confirmari, si electoribus visum fuerit, qui erunt Sodalitatis Rectores, & si videbitur Ecclesiarum Aristites, vel quos sibi adiungere voluerint. Electi pro sua quisque in Ecclesia dignitate vel gradu, congruentibus locis sedebunt. In nova electione hæc leges prælegentur.

XVIII.

Omnes autem ad maiorem Dei gloriam, & publicum commodum, huius pii Sodalitii felicem progressum & amabunt & promovebunt, & Deo commendabunt, sicut & pro se inuicem divinum Numen precabuntur. Quibus Magistratus mandatus & commissus est, & quos adhibere voluerint, singulis trimestribus, aut quando necessarium vel utile Praeses indicabit, de huius Sodalitatis bono & protectu consultabunt. Quod tempus iis à Secretario indicabitur.

XIX.

Dominicis diebus in Oratorio ad audiendam de suo

suo statu exhortationem, cui & Domini non Sodales interesse poterunt, aliasque pietatis exercitationes de more frequentandas conuenient. Sub initium pronuntiabitur hymnus, Veni creator Spiritus. cum versiculo & oratione. Sub finem Antiphona de Venerabili Sacramento, & Beatiss. Virgine, cum suis itidem versiculis & orationibus.

XX.

Cuiusq; mensis exordio Sanctos suos sortito accipient, & per id temporis spatium singulari quadam illos veneratione prosequuntur.

XXI.

Sodalem grauius ægrotantem, vel per se, vel per alium, aliqui pro opportunitate inuisent, Ecclesiæ Sacramentis ac Sodalitatis precibus muniri curabunt, & demortui funus, qui commode poterunt, prosequuntur, eiusque animam Missæ sacrificio, seu rosario, atque aliis precibus in Sodalitate Deo ritè commendabunt.

XXII.

Quicumque nomen Congregationi huic dare voluerit, Præfidei vel Sodalitatis Patrem adibit. Admissus vero totius vitæ exomologesin faciat, vel eam à postrema generali auspicabitur, nisi aliud Confessario videretur. Sacratissimam etiam Eucharistiam percipiet, fideique Catholicæ confessionem edet, si alias non emisisset.

XXIII.

Clerici qui extra Moguntiam domicilium habent, & in hanc Ecclesiasticam Sodalitatem, vt eius meritorum, suffragiorum atque condonationum efficiantur participes, adscribi cupiunt, id faciliter consequi poterunt.

Ff 3

XXIV.

Hæ leges, quatenus non sunt diuina, Apostolica,
& Ecclesiæ præcepta, nulla penitus noxa quempiam
obstringunt; quia tamen diuinæ voluntati, Ecclesi-
astica dignitati, Christianæque caritati & virtutibus
modum congruunt, nequaquam erunt à Dominis
Sodalibus negligendæ.

**PARÆNETICON AD
ECCLESIASTICOS OR-
thodoxæ Ecclesiæ Hype-
raspistas.**



*Actenus emensi spaciū prima alba
vastum
Oceanī dubias lent animus aequore pal-
mas*

*Indomita sūq; animas, formidando sūq; tumultus
Spumantis pelagi: nunc litoris alba secantes
Ostia, voce noua cantare celeumata fixum est
Vltima, iam numeris sat lusum lege salutis*

*Te modo quem voluit Numen famularier adi
Sacrata ORDO SACER, pullo te in sŷrmate signans
Deuotumq; habitu superis cinctūq; dicatum,
Quem sibi perpetuis genuina ECCLESIA vincit,
Inque salubilibus deuinxit amoribus, arcto
Fœdereq; & nunquam morituro adamante ligauit
Te modo progeniem Diuum, decora alta tuens
Aggredior seno fultus pede, verba papyro.*

Postuma